

Gryphius, Andreas: In dieser letzten Zeit/ da Trew vnd Lieb erkalten/ (1640)

- 1 In dieser letzten Zeit/ da Trew vnd Lieb erkalten/
- 2 Da all Aufrichtigkeit schier gätz vnd gar verschwind/
- 3 Da man vom Christenthumb nicht viel mehr vbrig find/
- 4 Da Heiligkeit vnd Trew vñ Gottes Furcht vor alten;
- 5 Seid Ihr noch drauff bedacht/ die Tugend zuerhalten
- 6 Vnd lehret mit der That/ wie jtz ein Trawtes Kind
- 7 Des Höchstē nicht allein erken'/ die Grause Sünd/
- 8 Vnd seines Glaubens Ampt mit wissen sol verwalten;
- 9 Ihr heisset noch darzu das jeder sich befließ
- 10 Zu würcken öffentlich diß was sein Hertze weiß
- 11 Da sonst wol mancher denckt/ es sey genung am wissen;
- 12 Wie Seelig seid Ihr doch!weil Ihr der Ehrenkron
- 13 Die nicht mit wissen nur erlägt wird vor dem Thron
- 14 Des Richters aller Welt/ solt würcklich auch genissen.

(Textopus: In dieser letzten Zeit/ da Trew vnd Lieb erkalten/. Abgerufen am 23.01.2026 von <https://www.textopus.de/po>)